



Broj: 02-04-2843/22-AP-3
Datum: 16.11.2022. godine

GRADSKO VIJEĆE ZAVIDOVIĆI
n/r PREDSEDAVAJUĆOJ GRADSKOG VIJEĆA
mr. iur. Erna Merdić Smailhodžić

PREDMET: Odgovori na vijećnička pitanja sa 6. sjednice Gradskog
vijeća Zavidovići održane 31.10.2022. godine, dostavljaju se

Povodom vijećničkih pitanja postavljenih na 6. sjednice Gradskog vijeća Zavidovići održanoj 31.10.2022. godine, dostavljamo odgovore na iste kako slijedi:

1. VIJEĆNIČKA PITANJA VIJEĆNIKA HARISA HODŽIĆ

1. Vijećnik Haris Hodžić: Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne službe da nam dostavi informacije koliko je općinu Zavidovići koštalo štampanje Informativnog biltena općine Zavidovići za 2021. i 2022. godinu? U koliko primjeraka su štampani, koje pravno lice je radilo štampanje istih i kada su izdani?

Od nadležnih zahtjevam jasne odgovore u pisanoj formi.

Vijećničko pitanje upućuje se nadležnoj općinskoj službi.

Odgovor na prvo vijećničko pitanje (Odgovor je sačinila Stručna služba gradonačelnika): Bilten Grada Zavidovići za 2021. godinu i Bilten grada Zavidovići za 2022. godinu (prvih šest mjeseci) štampan je u tiražu od po 250 primjeraka. Grad Zavidovići i Privredno društvo „PLANJAX KOMERC“ d.o.o. Tešanj zaključili su 05.09.2022. godine ugovor o štampanju navedenih biltena, koja je obuhvatala i tehničku pripremu štampe, nakon provedenog postupka dodjele ugovora o javnoj nabavci putem direktnog sporazuma u skladu a Zakonom o javnim nabavkama. Ugovorena vrijdnost štampanja biltena iznosila 3.249,09 KM sa PDV-om. Štampanje blitena je završeno i isporučeno Gradu Zavidovići 26.09.2022. godine, te su isti distribuirani putem mjesnih zajednica, javnih ustanova i preduzeća, te putem info pulta u zgradi organa uprave Grada Zavidovići.

2. Vijećnik Haris Hodžić: Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje:

Tražim od nadležne službe da nam dostavi informaciju kada će izvođač radova po Ugovoru broj 1374-1-3-120-5-104/22 započeti radove na izgradnji pumpne stanice sa rezervoarom $V=50\text{ m}^3$ a u skladu sa glavnim projektom vodosnabdijevanja naselja MZ Rujnica I faza?

Također od nadležne službe tražim informaciju zašto izvođač još uvijek nije započeo radove jer je rok za izvršenje od 60 kalendarskih dana (trajanje ugovora) istekao obzirom da je pomenuti ugovor zaključen 16.08.2022. godine?

Koje su sankcije za kašnjenje i nepoštovanje potpisanog ugovora i da li su od strane nadležne službe inicirane aktivnosti na urgenciji prema izvođaču radova (dostaviti dokaze i urgencije ukoliko jesu)?

Od nadležnih zahtjevam jasne odgovore u pisanoj formi.

Vijećničko pitanje upućuje se nadležnoj općinskoj službi.

Odgovor na drugo vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-259/22 od 17.11.2022. godine): Iako je potpisan ugovor o izvođenju radova, izvođač radova nije započeo sa radovima jer su isti obustavljeni zbog neslaganja projektno-tehničke dokumentacije i stanja na terenu, a koje se odnosi na pristupni put za rezervoar.

Priprema tenderske dokumentacije za izgradnju pristupnog puta je u toku i po okončanju postupka javne nabavke i realizacije ugovora po istoj radovi na izgradnji pumpne stanice sa rezervoarom $V=50\text{ m}^3$ a u skladu sa glavnim projektom vodosnabdijevanja naselja MZ „Rujnica“ I faza će biti nastavljeni.

3. Vijećnik Haris Hodžić: Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje:

Tražim od nadležne službe da nam dostavi informaciju o visini ostvarenih prihoda po osnovu naplate karti za parkinge od strane preduzeća Progres-N d.o.o. Zavidovići za posljednjih 5 godina?

Također tražim informaciju koliko su ukupno prodali karata godišnje za period od posljednjih 5 godina?

Tražim informaciju sa koliko parkinga mjesta raspolaže ovo preduzeće, te na koji period im je data saglasnost nad upravljanjem parking prostorom grada Zavidovići i kada ista ističe?

Uz odgovor na ovo pitanje dostaviti i finansijske izvještaje (bilans stanja i uspjeha) za posljednjih 5 godina.

Od nadležnih zahtjevam jasne odgovore u pisanoj formi.

Vijećničko pitanje upućuje se nadležnoj općinskoj službi.

Odgovor na treće vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-259/22 od 17.11.2022. godine): Dodjela parkirališta na korištenje radi pružanja usluga parkiranja se u skladu sa Pravilnikom o postupku davanja na korištenje javnih parkirališta („Službeni glasnik Općine Zavidovići“, broj: 5/10, 8/11, 10/11, 8/15, 10/19) i broj: 02-19-1014/20 od 23.3.2020. godine vrši putem Javnog oglasa.

Općina Zavidovići je dana 24.03.2020. godine raspisala Javni oglas za dodjelu javnih parkirališta na korištenje radi pružanja usluga parkiranja uz naplatu broj: 03-23-1012/20 parkiralištima kako slijedi:

- prostor između salona namještaja i ulice "Mehmed-paše Sokolovića", do realizacije Regulacionog plana "Centar I". Navedeni prostor obuhvata dva plato parkirališta (parking mjesta br. 1 – 68), osim parking mjesta ispred salona namještaja koji je opće parkiralište i prvog reda parkirališnih mjesta na drugom nivou parkirališta posmatrajući prema zgradi Općine Zavidovići, koji je rezervisan za parkiranje vozila zaposlenih Općine Zavidovići, Porezne ispostave Zavidovići, Ministarstva unutrašnjih poslova ZDK, Policijske uprave Zavidovići, bez plaćanja naknade za parkiranje.
- prostor s desnu stranu kolovoza ulice „Alije Izetbegovića“, od raskrsnice s ulicom „Safvet-baga Bašagića“ do raskrsnice s ulicom „Gazi Husref-bega“ (parking mjesta br. 1 – 18).

Na Javni oglas blagovremeno je dostavljena jedna prijava od strane Privrednog društva «PROGRES-N» d.o.o. Zavidovići.

Obzirom da je u toku provođenja postupka po navedenom Javnom oglasu utvrđeno da je dostavljena prijava blagovremena, urednu i potpuna, te da u ostavljenom roku drugih prijava nije bilo, sa navedenim privrednim društvom dana 21.04.2020. godine, zaključeni su Ugovori o dodjeli naprijed navedenih parkirališta na korištenje radi pružanja usluga parkiranja uz naplatu. Ugovori su zaključeni na period od 3 godine.

U navedenim Ugovorima određena je obaveza Privrednog društva «PROGRES-N» d.o.o. Zavidovići da za parking prostor između salona namještaja i ulice „Mehmed-paše Sokolovića“ u jednakim mjesečnim obrocima isplati naknadu u iznosu od 3000,00 KM (slovima: trihiljade i 00/100 KM) za period od 3 (tri) godine, a za parking u ulici „Alije Izetbegovića“ naknadu u iznosu od 1.500,00 KM (slovima: jednahiljadapetstotina i 00/100 KM) za period od 3 (tri) godine.

Obaveze određene u navedenim ugovorima se redovno izmiruju, a što je evidentirano u Službi za upravu finansija, budžet i trezor.

Informacijama koje se odnose na ukupan broj prodatih karata godišnje za period od posljednjih 5 godina, te podacima i finansijskim izvještajima (bilans stanja i uspjeha) za poslednjih 5 godina za navedeno privredno društvo ne raspolažemo, niti je navedeno privredno društvo u obavezi da Gradu Zavidovići dostavlja navedene informacije i podatke.

4. Vijećnik Haris Hodžić: Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne službe da nam dostavi informacije gdje je utrošeno 91.264,00 KM po osnovu ugovora br. 1374-1-3-37-5-58/22 za redovno održavanje gradskih i prigradskih ulica za 2022. godinu, te postupak kako se vršilo održavanje, koje ulice su održavane, koje radnje na održavanju su odrađene i da li je održavanje vršeno na zahtjev mjesnih zajednica, ako jeste dostaviti u prilogu kopije zahtjeva MZ, ili na neki drugi način-dostaviti informaciju?

Od nadležnih zahtjevam jasne odgovore u pisanoj formi.

Vijećničko pitanje upućuje se nadležnoj općinskoj službi.

Odgovor na peto vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-259/22 od 17.11.2022. godine): Redovno održavanje gradskih i prigradskih ulica vršeno je na osnovu

procjene stručne službe, koja se u ime Grada Zavidovići kao upravitelja cesta na području Grada Zavidovići, a u skladu sa prioritetima i raspoloživim budžetom stara o stanju cesta.

Redovno održavanje gradskih i prigradskih ulica je putem javne nabavke povjereno Privrednom društvu „MGV Gradnja“ d.o.o. Zavidovići i isto je vršeno prema Planu i programu održavanja i zaštite i programu rekonstrukcije, izgradnje i obnove lokalnih cesta i gradskih ulica za 2022. godinu, broj: 02-11-264/22-AP-2 od 28.01.2022. godine, na koji data saglasnost tadašnjeg Općinskog vijeća, Zaključkom broj: 01-11-358/22-AP-5 od 28.02.2022. godine.

Članom 25. Zakona o cestama FBiH Godišnji plan i program održavanja i zaštite, kao i program rekonstrukcije, izgradnje i obnove javnih cesta donosi gradonačelnik, a saglasnost na godišnje planove i programe daje gradsko vijeće. Ovdje napominjemo da uloga Mjesnih zajednica nije definisana zakonom o cestama niti smatramo je ista stručna da se stara o stanju cesta.

Nadležnost Mjesnih zajednica ne može biti veća od onoga što im je propisano Zakonom o principima lokalne samouprave i Statutom Općine / Grada niti se iste mogu miješati u isključive nadležnosti jedinica lokalne samouprave, te o ovom pitanju Grad nije u obavezi konsultovati iste.

Kao najbitnije informacije, dalje navodimo da su u sklopu redovnog održavanja gradskih i prigradskih ulica urađeni sljedeći radovi:

- izvršeno je obilježavanje horizontalne signalizacije,
- postavljeno je 30 saobraćajnih znakova,
- sanirani su najkritičniji dijelovi ulica Husein-kapetana Gradašćevića, Stjepana Radića, Podubravlje, Gazija, Mehmeda Spahe, 35. divizije, te je izvršeno saniranje udarnih rupa na svim ulicama gdje je bila potreba.

Također, ukoliko postoji potreba, uvid u predmete javnih nabavki moguće izvršiti u nadležnoj službi, a isto tako je moguće i organizovati obilazak predmetnih lokacija.

5. Vijećnik Haris Hodžić: Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne službe da nam dostavi informacije gdje je se izvršila isporuka i ugradnja asfalta za potrebe modernizacije cesta na području općine Zavidovići za 2022 godinu po ugovoru br. 1374-1-3-42-5-66/22 u vrijednosti od 128.315,00 KM te postupak kako se vršila isporuka, da li je vršeno na zahtjev mjesnih zajednica, ako jeste dostaviti u prilogu kopije zahtjeva MZ, ili na neki drugi način? Ukoliko nije ugrađena, dostaviti kada se planira izvršiti ugradnja?

Od nadležnih zahtjevam jasne odgovore u pisanoj formi.

Vijećničko pitanje upućuje se nadležnoj općinskoj službi.

Odgovor na šesto vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-259/22 od 17.11.2022. godine): U sklopu pomenutog ugovora za isporuku i ugradnju asfalta za potrebe modernizacije cesta na području općine Zavidovići za 2022. godinu, koji je putem javne nabavke povjeren privrednom društvu „MGV Gradnja“ d.o.o. Zavidovići izvršena je dodjela asfalta sa ugradnjom za nerazvrstane ceste u naseljenim mjestima: Šabin Potok – Ilići - Rujnica 200 t, Kućice 98 t, Dubravica (priključak na Lovački put i Dubravački put) 109 t, Kuljani 79 t, Livade 38 t, Mahoje 40 t.

Asfalt je dodjeljivan isključivo u naseljena mjesta gdje je postojala potreba za istim, gdje je iskazan određeni stepen aktivizma mještana i spremnost vlastitog sufinansiranja.

Ovdje je bitno za pomenuti da nadležnost Mjesnih zajednica ne može biti veća od onoga što im je propisano Zakonom o principima lokalne samouprave i Statutom Općine / Grada niti se iste mogu miješati u isključive nadležnosti jedinica lokalne samouprave, te o ovom pitanju Grad nije u obavezi konsultovati iste.

Također, ukoliko postoji potreba uvid u predmete javnih nabavki moguće izvršiti u nadležnoj službi, a isto tako je moguće i organizovati obilazak predmetnih lokacija.

6. Vijećnik Haris Hodžić: Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne službe da nam dostavi informaciju gdje je se izvršila isporuka i ugradnja betonskih cijevi za potrebe izgradnje i proširenja kanalizacione mreže na području općine Zavidovići za 2022 godinu po ugovoru br. 1374-1-3-53-5-59/22 u vrijednosti od 429.898,87 KM, te postupak kako se vrši isporuka, da li je vršeno na zahtjev mjesnih zajednica, ako jeste dostaviti u prilogu kopije MZ, ili na neki drugi način? Ukoliko nije ugrađena, dostaviti kada se planira vršiti ugradnja?

Od nadležnih zahtjevam jasne odgovore u pisanoj formi.

Vijećničko pitanje upućuje se nadležnoj općinskoj službi.

Odgovor na sedmo vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-259/22 od 17.11.2022. godine): Na samom početku odgovora neophodno je ispraviti tehničku grešku koja je nastala pri unošenju vrijednosti okvirnog sporazuma za isporuku i ugradnja betonskih cijevi za potrebe izgradnje i proširenja kanalizacione mreže na području općine Zavidovići za 2022. godinu na portal Javnih nabavki. Naime stvarna vrijednost okvirnog sporazuma iznosi 42.989,87 KM bez PDV, a ne kako je greškom prijavljen 429.898,87 KM bez PDV-a.

U sklopu pomenutog ugovora za isporuku i ugradnju betonskih cijevi za potrebe izgradnje i proširenja kanalizacione mreže na području općine Zavidovići za 2022. godinu, koji je putem javne nabavke povjeren privrednom društvu GP „HELDOVAC“ d.o.o. Žepče izvršena je dodjela betonskih cijevi raznih profila u naseljena mjesta: Dolina 40 m, Kovači 150 m, Dragovac 17 m, Lijevča 65 m, Krivaja 16 m, Borovnica 22 m.

Betonske cijevi su dodjeljivane isključivo u naseljena mjesta gdje je postojala potreba za istim, gdje je iskazan određeni stepen aktivizma mještana i spremnost vlastitog sufinansiranja.

Ovdje je bitno za pomenuti da nadležnost Mjesnih zajednica ne može biti veća od onoga što im je propisano Zakonom o principima lokalne samouprave i Statutom Općine / Grada niti se iste mogu miješati u isključive nadležnosti jedinica lokalne samouprave, te o ovom pitanju Grad nije u obavezi konsultovati iste.

Također, ukoliko postoji potreba uvid u predmete javnih nabavki moguće je izvršiti u nadležnoj službi, a isto tako je moguće i organizovati obilazak predmetnih lokacija.

7. Vijećnik Haris Hodžić: Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne službe da nam dostavi informacije gdje je se izvršila isporuka i ugradnja betona C25/30 (MB30) za potrebe modernizacije cesta na području općine Zavidovići za 2022 godinu po ugovoru br. 1374-1-3-44-5-70/22 u vrijednosti od 45.000,00 KM te postupak kako

se vršila isporuka, da li je vršeno na zahtjev mjesnih, ako jeste dostaviti u prilogu kopije zahtjeva MZ, ili na neki drugi način? Ukoliko nije ugrađena, dostaviti kada se planira vršiti ugradnja?

Od nadležnih zahtjevam jasne odgovore u pisanoj formi.

Vijećničko pitanje upućuje se nadležnoj općinskoj službi.

Odgovor na osmo vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-259/22 od 17.11.2022. godine): U sklopu pomenutog ugovora za potrebe modernizacije cesta na području općine Zavidovići za 2022. godinu, koji je putem javne nabavke povjeren privrednom društvu „Almy“ d.o.o. Zenica izvršena je dodjela betona sa ugradnjom za nerazvrstane ceste u naseljenim mjestima: Kućice 60 m², Rujnica 260 m², Gostović 9 km 370 m², Mednjik 300 m², Brezik Lug 80 m², Mećevići 100 m², Paravci 260 m² i dodjela betona bez ugradnje za nerazvrstane ceste u naseljenim mjestima: Rujnica 19 m³, Tursići 5 m³, Borik 50 m³, Hrkići 15 m³, Brijeg 20 m³, Džinići 20 m³, Poljice 5 km 15 m³, Bajvati 20 m³, Pašin Konak 10 m³, Brezik 33 m³, Ribnica 10 m³, Vozuća Krš 15 m³, Imamovići 10 m³, Smailbašići 30 m³, Gostović 9 km 13 m³.

Beton je dojeljivan isključivo u naseljena mjesta gdje je postojala potreba za istim, gdje je iskazan određeni stepen aktivizma mještana i spremnost vlastitog sufinansiranja.

Ovdje je bitno za pomenuti da nadležnost Mjesnih zajednica ne može biti veća od onoga što im je propisano Zakonom o principima lokalne samouprave i Statutom Općine / Grada niti se iste mogu miješati u isključive nadležnosti jedinica lokalne samouprave, te o ovom pitanju Grad nije u obavezi konsultovati iste.

Također, ukoliko postoji potreba uvid u predmete javnih nabavki moguće je izvršiti u nadležnoj službi, a isto tako je moguće i organizovati obilazak predmetnih lokacija.

2. VIJEĆNIČKO PITANJE VIJEĆNIKA HAMDE DŽINIĆ

Vijećnik Hamdo Džinić: Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje koje se tiče potrebe informiranja o preuzetim aktivnostima na izgradnji ležećih policajaca u naselju Vozuća, na dijelu ulice od osnovne škole do pošte.

Obrazloženje vijećničkog pitanja:

Na pomenutom dijelu ulice, sa lijeve strane, nalazi se dječiji park, a sa desne strane, školski poligon. Vrlo često se dešava da nesavjesni vozači, na pomenutom dijelu ulice voze neprilagođenom brzinom, što u velikoj mjeri ugrožava sigurnost pješaka, a i živote, ponajviše djece. Prilikom obilježavanja manifestacije 25. juna ove godine, u Vozući, gradonačelnik je obećao mještanima rješenje ovog problema, to jest izgradnju ležećih policajaca. Par dana kasnije, na teren su izašli ljudi iz nadležne službe, izvršili uvid i mjerenje, te se sve završilo na tome.

Direktno pitanje:

Potreban nam je odgovor, kada će se konkretno pristupiti rješavanju ovog problema?

Od nadležnih zahtjevam jasne odgovore u pisanoj formi.

Vijećničko pitanje se upućuje gradonačelniku i gradskim službama.

Odgovor na drugo vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-259/22 od 17.11.2022. godine): Inspekcija za ceste je izašla na nerazvrstanu cestu k.č. 310 k.o. Vozuća, tačnije na dionicu puta od Osnovne škole do raskrsnice sa nerazvrstanom cestom k.č.144 k.o. Vozuća te predložila upravitelju ceste (nadležnoj službi) Službi za upravu privrede, lokalni razvoj, infrastrukturu i međunarodnu saradnju izgradnju posebnih objekata / grbina kojim bi se ograničila brzina kretanja motornih vozila, s obzirom da je na pomenutoj dionici Omladinski trg, zatim Osnovna škola, poligon i dom MZ „Vozuća“ te drugi pomoćni objekti i trgovačke radnje.

Prema članu 60. stav (4) Odluke o bezbjednosti i organizaciji saobraćaja na cestama općine Zavidovići (“Službeni glasnik Općine Zavidovići“, broj: 10/21) Ukoliko nadležni organ zahtjev riješi pozitivno radi na izradi posebnog projekta ili elaborata.

Trenutno je u fazi izrada elaborata na osnovu kojeg će upravitelj ceste donijeti Rješenje o izgradnji grbina na navedenoj dionici, a sve u cilju bezbjednosti i sigurnosti svih učesnika u saobraćaju.

3. VIJEĆNIČKA PITANJA VIJEĆNIKA IGOR ŠIMŠIĆ

1. Vijećnik Igor Šimšić: Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam vijećničko pitanje koje se tiče potrebe informisanja o načinima i postupcima realizacije zajedničkih aktivnosti građana i Gradske uprave, u primjerima realizacije infrastrukturnih projekata.

Obrazloženje vijećničkog pitanja:

Na zahtjev građana i njihovog iskazanog interesa za informisanjem, nadležnim organima Gradske uprave postavljam vijećničko pitanje, uz zahtjev za dostavljanjem jasnih, tačnih i konkretnih odgovora koji će nas gradske vijećnike i građane naše lokalne zajednice upoznati o načinima i postupcima realizacije zajedničkih aktivnosti građana i gradske uprave, u primjerima realizacije infrastrukturnih projekata.

Svjedoci smo u našoj lokalnoj zajednici aktivizmom građana, njihovim nemalim novčanim doprinosima, i u saradnji sa Gradskom upravom i sredstvima iz Budžeta, realizovan izvjesan broj infrastrukturnih projekata. Ili se planiraju realizovati u narednim periodima. Bilo da se radi o izgradnji vodovoda, rekonstrukcijama ili izgradnjama rasvjete, puteva, saobraćajnica, dječijih igrališta, sanaciji klizišta i dr. Grad kao što je navedeno nerijetko učestvuje sa novčanim sredstvima iz Budžeta u određenim procentima od ukupne cijene koštanja. Direktno pitanje se odnosi na sam postupak prikupljanja dijela sredstava od građana, objedinjavanja sa sredstvima Grada i načina plaćanja izvođačima koji su postupcima javnih nabavki odabrani i kojima su dodjeljeni ugovori za realizaciju predmetnih stvari. Da li građani prikupljena sredstva uplaćuju na račun Grada, koji račun, pod kojom svrhom doznake, pod kojom vrstom prihoda i da li se kao takva uplaćena sredstva i na koji način prikazuju u prihodovnim i rashodovnim stranama Budžeta, kojim ekonomskim kodovima i transferima, da li se prikazuju u periodičnim izvještajima o realizaciji Budžeta našeg Grada?

Ukoliko je moguće da se pored ovih direktnih pitanja, ukratko objasni i način i postupak realizacije sa strane gradske uprave, nekih od zajedničkih aktivnosti građana i gradske uprave, u primjeru realizacije infrastrukturnih projekata.

Pitanje se upućuje Gradonačelniku i nadležnoj/nadležnim gradskim službama.

Odgovor na pitanje pored usmenog, dostaviti i u pisanoj formi.

Odgovor na prvo vijećničko pitanje (Odgovor je sačinjen na osnovu akta Službe za upravu finansija, budžet i trezor, broj: 05-45-13/22-AP-272 od 16.11.2022. godine): Sredstva prikupljena od građanja, za učešće u finansiranju određenih projekata, građani uplaćuju na depozitni račun Grada broj: 1020320000027070, koji račun je otvoren kod Union banke, pod svrhom doznake upisuje se naziv projekta (npr. „učešće za izgradnju puta - Skroze“).

Tako uplaćena sredstva planirana su Budžetom Grada Zavidovići na prihodovnoj strani kako slijedi:

- ekonomski kod 7422131 – „Kapitalni transferi pojedinaca – asfaltiranje puta u naselju Skroze“,
- ekonomski kod 74221315 – „Kapitalni transferi pojedinaca – asfaltiranje puta u Vikovićima“,
- ekonomski kod 7422132 – „Kapitalni transferi pojedinaca – sanacija puta u MZ Brezik“,
- ekonomski kod 7422133 – „Kapitalni transferi pojedinaca – sanacija puta Kučice – Gostović“,
- ekonomski kod 7422134 – „Kapitalni transferi pojedinaca – priključak na raskrsnici Nikola Tesla“.

Na rashodovnoj strani uplaćena sredstva planirana su Budžetom Grada Zavidovići kako slijedi:

- ekonomski kod 82122211 - „Kapitalni izdaci - sanacija puta Skroze“,
- ekonomski kod 82122212 - „Kapitalni izdaci - sanacija puta MZ Brezik“,
- ekonomski kod 82122213 - „Kapitalni izdaci - sanacija puta Kučice - Gostović“,
- ekonomski kod 82122214 - „Kapitalni izdaci - priključak na raskrsnici Nikole tesle“,
- ekonomski kod 82122215 - „Kapitalni izdaci - asfaltiranje puta u Vikovićima“.

Budžetom Grada Zavidovići, uplaćena sredstva građana, i na prihodovnoj i na rashodovnoj strani, vode se kao - fond domaćih donacija - 04.

Projekti za koje uplate vrše građani, finansiraju se također i iz:

- sredstava općeg fonda - 01 - Budžeta Grada Zavidovići kao i iz
- namjenskih sredstava viših nivoa vlasti fonda – 03 – Budžeta Grada Zavidovići.

Prikupljena sredstva od građana evidentiraju se i u periodičnim izvještajima po hronologiji izvršavanja. Prihodi budu prije uplaćeni, zatim se provodi postupak javnih nabavki, te se angažuje najpovoljniji ponuđač. Plaćanje dobavljačima vrši se sa namjenskih računa ili sa glavnog transakcijskog računa Grada Zavidovići, ovisno od toga iz kojih sredstava se plaća (ako se plaćanje vrši iz budžetskih sredstava općeg fonda – tada se plaća sa glavnog transakcijskog računa otvorenog kod Union banke, ako se plaćanje vrši iz namjenskih sredstava građana ili namjenskih sredstava viših nivoa vlasti – plaćanje se vrši sa namjenskog računa otvorenog kod ASA banke).

2. Vijećnik Igor Šimšić: Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam vijećničko pitanje koje se tiče potrebe informisanja o statusu infrastrukturnog projekta Izgradnje mosta u Hadžićima preko rijeke Krivaje?

Obrazloženje vijećničkog pitanja:

Na zahtjev građana nadležnim organima Gradske uprave postavljam vijećničko pitanje, uz zahtjev za dostavljanjem jasnih, tačnih i konkretnih odgovora koji će nas gradske vijećnike i

građane naše lokalne zajednice informisati o aktivnostima koje se poduzimaju na infrastrukturnom projektu, Izgradnji mosta u Hadžićima preko rijeke Krivaje.

Preciznije, da li se poduzimaju bilo kakve aktivnosti na realizaciji ovog projekta ili ne, ako da u kojoj su fazi aktivnosti, ako ne zašto i koji su razlozi za nedjelovanjem, da li postoji eventualni problem ili prepreke, da li postoje obezbijeden cjelokupni iznos ili dio namjenskih sredstava i u kolikom iznosnom dijelu, i kada su terminološki planirani konkretni početci i završetci radova?

Pitanje se upućuje Gradonačelniku i nadležnoj/nadležnim gradskim službama.
Odgovor na pitanje pored usmenog, dostaviti i u pisanoj formi.

Odgovor na drugo vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-259/22 od 17.11.2022. godine): Inspekcija za ceste je izašla na nerazvrstanu cestu k.č.310 k.o.Vozuća, tačnije na dionicu puta od Osnovne škole do raskrsnice sa nerazvrstanom cestom k.č. 144 k.o. Vozuća te predložila upravitelju ceste (nadležnoj službi) Službi za upravu privrede, lokalni razvoj, infrastrukturu i međunarodni saradnju izgradnju posebnih objekata / grbina kojim bi se ograničila brzina kretanja motornih vozila, s obzirom da je na pomenutoj dionici Omladinski trg, zatim Osnovna škola, poligon i dom MZ „Vozuća“ te drugi pomoćni objekti i trgovačke radnje.

Prema članu 60. stav (4) Odluke o bezbjednosti i organizaciji saobraćaja na cestama općine Zavidovići (“Službeni glasnik Općine Zavidovići“, broj: 10/21) Ukoliko nadležni organ zahtjev riješi pozitivno radi na izradi posebnog projekta ili elaborata.
Trenutno je u fazi izrada elaborata na osnovu kojeg će upravitelj ceste donijeti Rješenje o izgradnji grbina na navedenoj dionici, a sve u cilju bezbjednosti i sigurnosti svih učesnika u saobraćaju.

4. VIJEĆNIČKA PITANJA VIJEĆNIKA ŠEMSE FEHRIĆ

Vijećnik Šemso Fehrić: Pozdravljam sve prisutne u sali, rukovodstvo, kolege, goste i građane koji nas slušaju putem medija. Imam tri pitanja i dvije Inicijative. Jedno je usmeno pitanje za administratora ovog vijeća.

Da li je ograničenje preuzimanja materijama putem mejla ograničeno vremenski ili je to jednokratno preuzimanje i zbog čega mi ovdje recimo sad iz prije sjednice ne možemo preuzet?

Odgovor (Odgovor dat usmeno na 6. sjednici Gradskog vijeća Zavidovići od strane Sekretara gradskog vijeća Zavidovići): Ja bih odgovorila na pitanje gospodina Fehrića, a tiče se preuzimanja materijala i aplikacije materijala koje vam dostavljam za Vijeće. Znači, dužni ste u roku od sedam dana preuzet materijale. Znači, aplikacija je takva, sedam dana da preuzmete materijale. S tim što vam i na pozivu piše da se svi materijali postavljaju na web stranicu Grada Zavidovića. Imate aplikaciju na tabletima, možete nabaciti samo aplikaciju, da kliknete i da otvorite sjednice. U svakoj sjednici su vam svi materijali poredani i na klik možete otvoriti svaki pojedinačno. Znači, ukoliko niste preuzeli materijale u određenom roku otiđite na stranicu Grada Zavidovići i možete preuzet sve materijale za sjednicu ovu i sve one koje su bile do sada, od prve do šeste. Hvala.

To je broj jedan.

Broj dva:

Predmet: Vijećničko pitanje

U skladu sa Članom 89. Poslovnika o radu OV Zavidovići, postavljam vijećnička pitanja:

1. U kojoj fazi je rekonstrukcija klizišta na lokalnom putu prema Uljićima? Da li će se rekonstrukcija biti završena do 31.12.2022. godine? Ako neće, zašto neće?

Odgovor na vijećničko pitanje bit će dostavljen naknadno.

2. Ukoliko još parcela u posjedu Grada Zavidovića ima na području gradskog područja (k.o. Zavidovići). Molim da se spisak tih parcela napravi tabelarno, sa potpunim podacima u tim parcelama.

Odgovor na vijećničko pitanje bit će dostavljen naknadno.

S poštovanjem.

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujnović

Obradio: _____
(Nermin Čahtarević)